

**Қазақстан Республикасының Үкіметі мен Ресей Федерациясының Үкіметі арасында
мұнай транзиті туралы келісімге қол қою туралы**

Қазақстан Республикасы Үкіметінің қаулысы 2002 жылғы 29 мамыр N 586

Қазақстан Республикасының Үкіметі қаулы етеді:

1. Қоса беріліп отырған Қазақстан Республикасының Үкіметі мен Ресей Федерациясының Үкіметі арасындағы мұнай транзиті туралы келісімнің жобасы
м а қ ұ л д а н с ы н .

2. Қазақстан Республикасы Премьер-Министрінің орынбасары Кәрім Қажымқанұлы Мәсімовке Қазақстан Республикасы Үкіметінің атынан Қазақстан Республикасының Үкіметі мен Ресей Федерациясының Үкіметі арасындағы мұнай транзиті туралы келісімге қол қоюға өкілеттік берілсін.

3. "Қазақстан Республикасының Үкіметі мен Ресей Федерациясының

Үкіметі арасындағы мұнай транзиті туралы келісімге қол қою туралы"
Қазақстан Республикасы Үкіметінің 2001 жылғы 27 қарашадағы N 1529

P011529_

қаулысының күші жойылды деп танылсын.

4. Осы қаулы қол қойылған күнінен бастап күшіне енеді.

Қазақстан Республикасының
Премьер-Министрі

Жоба

Қазақстан Республикасының Үкіметі мен Ресей Федерациясының
Үкіметі арасындағы мұнай транзиті туралы
КЕЛІСІМ

Бұдан әрі Тараптар деп аталатын Қазақстан Республикасының Үкіметі мен
Ресей Федерациясының Үкіметі,

1993 жылғы 25 желтоқсандағы Қазақстан Республикасының Үкіметі мен Ресей Федерациясының Үкіметі арасындағы ынтымақтастық және отын-энергетика кешендерін дамыту туралы келісімді,

1997 жылғы 25 ақпандағы Қазақстан Республикасының Үкіметі мен Ресей Федерациясының Үкіметі арасындағы мұнай-газ салаларындағы техникалық және экономикалық ынтымақтастық пен интеграция туралы келісімді,

1996 жылғы 12 сәуірдегі Магистральды құбыр желілері бойынша мұнай мен мұнай өнімдерінің транзиті саласында келісілген саясат жүргізу туралы келісімді, 1998 жылғы 22 қаңтардағы Кеден одағына қатысушы мемлекеттердің аумағы арқылы транзиттің бірыңғай шарттары туралы келісімді, 1999 жылғы 4 маусымдағы Тәуелсіз Мемлекеттер Достастығына қатысушы мемлекеттердің аумағы арқылы транзит тәртібі туралы келісімді басшылыққа ала отырып,

мұнай транзиті саласында бұдан былайғы өзара тиімді ынтымақтастықты дамыту мен тереңдетуге мүдделілікке сүйене отырып, төмендегілер туралы келісті:

1 - б а п

Тараптар өзара пайда негізінде және бір-бірінің экономикалық мүдделерін ескере отырып, құбыр желісімен және көліктің басқа түрлерімен жүзеге асырылатын мұнай транзиті саласында ынтымақтасады.

Осы Келісім Тараптар мемлекеттерінің аумақтары арқылы мұнай транзитінің тәртібін, шарттарын және жалпы қағидаттарын белгілейді.

2-бап

Осы Келісімді іске асыру үшін Тараптар мынадай құзыретті органдарды: Қазақстан Тарапынан - Қазақстан Республикасының Энергетика және минералдық ресурстар министрлігін,

Ресей Тарапынан - Ресей Федерациясының Энергетика министрлігін тағайындайды.

3-бап

Тараптар жұмыс істеп тұрған көлік жүйесімен, соның ішінде

магистральды мұнай құбырлары жүйесімен, келісілген мөлшерде Тараптар мемлекеттерінің аумағы арқылы ұзақ мерзімді мұнай транзитін жүзеге асырудың кепілді мүмкіндігін береді.

4-бап

Тараптар магистральды мұнай құбырларының жұмыс істеп тұрған жүйелерін кеңейту және қайта құру жөніндегі жобаларды, сондай-ақ жаңа экспорттық бағыттар бойынша, соның ішінде "Приморск порты" бағыты бойынша мұнай тасымалының перспективалық жобаларын әзірлеуге және жүзеге асыруға ықпал ететін болады.

5-бап

Қазақстан мұнайы транзитінің бағыттары және оның мөлшері Қазақстан Тарабының құзыретті органының өтінімдері және мұнай тасымалының кестелері негізінде айқындалады.

6 - б а п

Ресей Тарабы қазақстан мұнайының транзитін магистральдық құбырлар жүйесі бойынша Ресей Федерациясының аумағы арқылы жүзеге асыруға кепілді түрде мүмкіндік береді, ал Қазақстан Тарабы транзит режимінде осы Келісім қолданылатын мерзім бойына мұнай жеткізу мүмкіндігін кепілді түрде мынадай мөлшерде қамтамасыз етеді:

Атырау-Самара мұнай құбырымен - жылына кемінде 15 млн.тонна;
Махачкала - Тихорецк - Новороссийск мұнай құбырлары жүйесімен - жылына кемінде 2,5 млн.тонна.

7 - б а п

Қазақстан Тарабы қолда бар және жаңадан құрылатын магистральды мұнай құбырлары жүйелерімен Қазақстан Республикасының аумағы арқылы ресей мұнайының транзитін кепілді түрде жүзеге асыру мүмкіндігін береді.

Қазақстан Республикасының аумағы арқылы жеткізілетін ресей мұнайының бағыттары және оның мөлшері Ресей Тарабының құзыретті органы мәлімдеген мұнай

көлемінің негізінде және экспортқа арналған мұнай тасымалының кестелерімен
б е л г і л е н е т і н б о л а д ы .

8 - б а п

Каспий Құбыр Консорциумының (КҚК) Теңіз - Новороссийск мұнай құбыры бойынша қазақстан мұнайының транзиті жүйенің техникалық мүмкіндігіне және "КҚК-Р" жабық акционерлік қоғамы (Ресей) мен "КҚК-Қ" жабық акционерлік қоғамы (Қазақстан) шаруашылық жүргізуші субъектілері арасында және

Қазақстан Республикасы мен Ресей Федерациясының мұнай жеткізушілерімен жасалатын шарттарға сәйкес іске асырылады.

9-бап

Тараптар мемлекеттерінің аумақтары арқылы транзит режимінде мұнай тасымалдау жөніндегі қызметтер көрсету шаруашылық жүргізуші субъектілері арасындағы шарттардың (келісім-шарттардың) негізінде жүзеге асырылады.

10-бап

Тараптар мемлекеттерінің аумақтары бойынша мұнай транзитін жүзеге асыру жөніндегі қызметтерге ақы төлеу Қазақстан Республикасы мен Ресей Федерациясының атқарушы билік органдары бекіткен тарифтер бойынша жүргізіледі.

11-бап

Осы Келісімнің объектісі болып табылатын құбырлармен және көліктің өзге де түрлерімен тасымалданатын мұнайға меншік құқығы шаруашылық жүргізуші субъектілері арасындағы шарттарға сәйкес тиісті жүк жөнелтушілерде сақталады.

12-бап

Тараптар мемлекеттерінің кеден аумақтары арқылы мұнай тасымалдау Қазақстан Республикасының заңнамасына және Ресей Федерациясының заңнамасына сәйкес

1 3 - б а п

Қосымша мұнай көлемінің транзиті үшін жобаларды қаржыландыруды ұйымдастыру және Тараптардың бірінің қолда бар мұнай құбыры жүйесінің транзиттік қуаттарын кеңейту кезінде заем қаражатының қайтарылуын қамтамасыз ету мақсатында Тараптар тиісті кезеңге ең аз қажетті мұнай көлемінің жеткізіліміне к е п і л д і к б е р е д і .

Егер транзит үшін магистральды мұнай құбырлары жүйесінің қолда бар қуаттарының мүмкіндігінен асып кететін мұнай көлемі мәлімделген жағдайда Тараптардың құзыретті органдары қосымша қуаттарды құру және заем қаражаттарының қайтарылуын қамтамасыз ететін кезеңге тиісті мұнай көлемінің жеткізіліміне кепіл шарттарын келіседі.

Осы баптың шеңберінде қол жеткен уағдаластықтар осы Келісімнің ажыратылмас бөлігі болып табылатын жеке хаттамалармен ресімделеді.

1 4 - б а п

Тежеусіз күш жағдаяттарының орын алуы салдарынан транзит үзілген, қысқартылған немесе тоқтатылған жағдайда Тараптардың құзыретті органдары бұдан арғы іс-қимылдарын келісіп алу үшін тиісті консультациялар өткізеді. Тежеусіз күш жағдаяттары орын алған жағдайда осы Келісімде белгіленген міндеттемелерін орындауы мүмкін болмайтын Тарап бұл туралы басқа Тарапты үш жұмыс күні ішінде х а б а р д а р е т е д і .

1 5 - б а п

Тараптар магистральды мұнай құбырлары объектілеріндегі табиғи апаттар, авариялық жағдайлар мен алапаттар зардаптарын жою кезінде мамандар жіберу, материалдық-техникалық ресурстар мен арнайы техника беру жолымен өзара көмек к ө р с е т е д і .

Әр Тарап өздерінің ұлттық заңнамаларына сәйкес авариялық-қалпына келтіру бригадаларының шекарадан тосқауылсыз өтуі және магистральды мұнай құбырлары объектілеріндегі табиғи апаттар, авариялық жағдайлар және алапаттар зардаптарын жоюға пайдаланылатын жабдықтарды, материалдар мен арнайы техниканы уақытша әкелу үшін Тараптар мемлекеттерінің қажетті

шаралар қабылдауын қамтамасыз етеді.

16-бап

Осы Келісім шеңберіндегі ынтымақтастық Қазақстан Республикасы мен Ресей Федерациясы қатысушылары болып табылатын басқа халықаралық шарттар мен уағдаластықтар бойынша міндеттемелерін орындауына нұқсан келтірмейтіндей етіп жүзеге асырылады.

17-бап

Осы Келісімнің ережелерін түсіндіру мен қолдануға қатысты Тараптар арасындағы даулар өзара консультациялар мен келіссөздер жүргізу арқылы шешілетін болады.

18-бап

Осы Келісімге өзгерістер мен толықтырулар енгізу Тараптардың келісімі бойынша жүзеге асырылады және осы Келісімнің ажырамас бөлігі болып табылатын жекелеген х а т т а м а л а р м е н р е с і м д е л е д і .

1 9 - б а п

Осы Келісім оған қол қойылған күнінен бастап күшіне енеді және 15 жыл бойына қолданылады. Оның күші келесі бес жыл кезеңге өздігінен ұзартылып отырады. Осы Келісімнің күші Тараптардың бірі басқа Тараптан осы Келісімнің қолданылуын тоқтату ниеті туралы жазбаша хабарлама алған күнінен бастап 12 ай өткеннен кейін тоқтатылуы мүмкін.

Осы Келісімнің күші тоқтатылғаннан кейін оның ережелері, Тараптарда оны тоқтатуға дейін туындаған міндеттемелер толық орындалғанға дейін қолданылатын болады.

_____ жылғы " ____ " _____ каласында орыс және қазақ тілдерінде екі түпнұсқа данада жасалды және екі мәтіннің де күші бірдей. Осы Келісімнің ережелерін түсіндіруде келіспеушіліктер туындаған жағдайда Тараптар орыс тіліндегі мәтінге жүгінетін болады.

Үкіметі үшін

Үкіметі үшін

Мамандар:

Багарова Ж.А.,

Қасымбеков Б.А.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК